

Fundacion Autismo Aruba cu tayernan gratis pa mayornan

Mayornan a responde den forma positivo na e serie di tayer gratis cu Fundacion Autismo Aruba a inicia na luna di September. E prome dos tayernan tabata trata Vocabulario y Actividad pa Stimula Esaki; y Articulacion y Actividad pa Stimula Esaki.

Miembronan di directiva di Fundacion Autismo Aruba, Gisele van Grieken y Uleike Tromp, ambos especialista riba tereno di comunicacion y comportacion a hinca e tayernan aki den otro, como un ayudo na mayornan cu ta lucha cu nan yiu cu tin e diagnostica di ta den e spectrum di Autismo of cu tin sospecho cu nan por ta den e spectrum. Manera ta conoci Autismo ta un condicion neurologico cu ta afecta e comportacion di un persona. Ningun caso ta mescos y no tin cura. Pero, cu reconocimiento di e sintomanan trempan y mas importante, intervencion trempan, muchanan den e spectrum por desaroya habilidad cu por yuda den nan progreso.

Vocabulario ta esencial pa tur individuo comunica efectivamente cu otro. Y netamente esaki ta un di e areanan mas vulnerabel pa mucha/personanan afecta pa Autismo. Un mucha cu Autismo mester siña comunica pa por logra e meta nan riba su nivel den su bida.

Durante e prome tayer, van Grieken y Tromp a ilustra na e mayornan con por uza un sistema, unda nan por identifica a base di observacion cu ta e area cu

nan yiu cu Autismo of cu por tin Autismo tin problema pa comunica. A ilustra con mayornan por uza esaki den bida diario. E enfoque tabata pa mayornan yuda nan yiu cu amplia nan vocabulario pa medio di diferente wega cu ta facil pa hunga y traha. A duna

Pochi di Palabra' y 'E Saco di Emocion.' Tambe a splica con comunicacion ta forma den un mucha cu Autismo y con mayornan por observa esakinan na cas. E aspecto aki ta necesario mirando cu mayornan mes lo por selecta e palabranan mas funcional pa

desaroya e musculo di lip y lenga. Un biaha mas a duna ehempel practico con pa haci esakinan na cas, cu materialnan simpel. Den otro palabra, mayornan mes por tuma paso cu actividad y materialnan simpel traha na cas mes pa stimula imitacion di zonido y palabra cerca e mucha.

Ademas, mayornan a haya splicacion kico ta comportacion y e funcion di comportacion, y kico mester haci ora cu un comportacion no ta apropiada. E participacion na e prome dos tayernan organisa pa Fundacion Autismo Aruba tabata grandi y esunnan cu a haci uzo di e oportunidad tabata intercambia experiencia y tabata haci pregunta. Banda di mayornan, algun educado tambe a inscribi pa atende e cursonan aki.

E siguiente tayer ta diasabra 14 di November cu topico Nutricion Bon Balansa y

Autismo y como invitado special, dietista/nutricionista Angelique Salsbach y asina lo sigui cu uno cada luna. E topiconan lo ta riba; Sistema di Recompensa y Sosten na Cas/Klas; Actividad y habilidad Social; Programa pa Desaroya habilidad pa Biba un Bida mas Sano y Saludabel; Comunicacion Visual cu Pintura Pictograma; Desaroyo Sensorial; y Lesamento Interactivo cu Buki y e Man di Conta Storia.

E tayernan ta tuma luga den e sala di conferencia na Ibis, Frankrijkstraat.

Mayornan por inscribi gradualmente pa e tayernan aki pa medio di e website di Fundacion Autismo Aruba, www.autismoaruba.org. E formularionan di inscripcion ta inclui areanan cu mayornan mester yena pa ilustra e preguntanan specifico cu tin riba e topico di e tayer en cuestion. Esaki ta permiti van Grieken y Tromp bin cu tipnan y consehonan dirigi na e necesidad.

Ademas di e tayernan, e fundacion lo tene un anochi di encuentro pa mayor, dirigi pa e dos expertonan kendenan lo duna contesta riba preguntanan mas specifico y duna ideanan kico por haci nan cas. E anochi di encuentro di mayor lo tuma luga na luna di December y aki mayornan por intercambio pregunta, idea y duna sosten na otro.

Y pa cera Aña 2015, Fundacion Autismo Aruba lo organisa un 'Christmas Cookie and Cake Bake' pa muchanan cu Autismo. Keda pendiente pa mas detaye riba e eventonan na caminda y con pa inscribi pa e actividad pa e muchanan.

Pa mas informacion tuma contacto cu Fundacion Autismo Aruba, via e-mail: fundacion_autismoaruba@yahoo.com of yama oficina na 5881179. □



ehempel cu diferente material visual cu por haya facil of cu por traha na cas mes. Por ehempel, un pictograma 'Mi

practica na cas cu nan yiu. E di dos tayer, riba Desaroyo di Articulacion y Actividad pa Stimula Esaki na Cas ta-